

AHMEDIJE (KADIJANI): Mirza Gulam Ahmed Kadijani je osnovao ovu grupu 1298/1880. g.n.e. u Indiji, u gradu Pundžab. Rođen je 1835, a umro 1908. godine. Kao što je već poznato on je počeo širiti svoje krivovjerne ideje godinu dana nakon napada Engleza na Indiju. Očito je da su Englezi osnovali ovaj pokret. Engleski špijuni i engleske pare su ga brzo raširile sa ciljem da iznutra razruše islam.

Abdurrešid Ibrahim ef. [preselio na ahiret 1944. godine u Japanu] je napisao knjigu **Alem-i islam** koja je 1328/1910. godine izdata u Istanbulu na turskom jeziku. On u njoj ovako piše u drugom tomu, pod naslovom "*Englesko neprijateljstvo protiv islama*": "Prvi cilj Engleza je bio da što brže unište hilafet muslimana. Oni su, kao prvi korak u ovoj njihovoj spletki rušenja institucije hilafeta, ohrabрили krimske Turke da se pobune protiv Osmanlijske države. Pariski ugovor jasno otkriva ovu njihovu spletku. [Oni su ovo svoje neprijateljstvo otkrili u tajnim spisima Lozanskog sporazuma koji se desio 1923. godine.] Englezi su bili ti koji su, bez obzira na razlog, uvijek izazvali svaku katastrofu koja se desila Turcima. Glavni politički cilj britanskih političara, koji su uvijek strahovali od islama, je bio iskorijenjivanje islama. Oni su, da bi prevarili muslimane, upotrijebili ljudsku pohlepu. Englezi su ove potkupljene prevarante i licemjere predstavljali kao alime islama i heroje. Englezi su, ukratko, najveći neprijatelji islama." Bryan William Jennings, jedan Amerikanac, zakonodavac, političar i kongresman od 1891 do 1895, je čuven po svojim knjigama i predavanjima. On je od 1913 do 1915. godine je bio Ministar vanjskih poslova. On je umro 1925. godine. On je u svojoj knjizi **The British Sovereignty in India** detaljno opisao englesko neprijateljstvo prema islamu i njihovo divljaštvo i terorisanje (zulum).

Nakon smrti alatke Engleza, Gulama Ahmeda Kadijanija, Hakim Nureddin je postao njegov halifa. Njega je 1914. zamijenio Beširuddin Mahmud (1306/1889-1385/1965). Ahmed je u gradu Kadijanau, u Indiji, izdao knjigu **El-vasijjet** u kojoj je sebe proglasio obećanim Mesihom (Isaom alejhisselam). Njegov sin, Bešir, je preselio centar Ahmedijja u gradić Rabvah gdje je počeo širiti jeretična vjerovanja ahmedijja kao **pravi islam**. Njegove dvije velike knjige, koje je on izdao pod naslovom **Tefsir Kur'ana**, su krcate krivovjernih i pokvarenih pisanja koja se suprotstavljaju i protivrječe Kur'ani kerimu. On kaže da je on vidio i napisao podatke koje mufessiri nisu vidjeli hiljadu i tri stotine godina. On kaže, "Ja pouzdano tvrdim da je Allah dao ovakve podatke samo Pejgamberima i njihovim halifama." Hadisi šerif, "**Ko tefsiri Kur'ani kerim po svom ličnom gledištu postaje kafir**," jasno pokazuje da su ovi ljudi na krivom putu i da su izvan islama. Oni su čak pokvareniji i štetniji od jeretika koji se zovu vehhabije. Štaviše, vehhabijska knjiga **Feth-ul-medžid** citira knjigu **Kitab-ul-iza'a** Muhammeda Siddika Hasana, i piše na dvije stotine sedamdeset petoj stranici, "Jedan od dedždžala našeg vremena je Gulam Ahmed Kadijani, jedan prljavi dedždžal evropskog tipa. Neka ga Allah učini još ružnijim! Neka dadne svakom da čuje za njegovo zlo! Neka dadne onim koji su krenuli njegovim putem kufra da budu loši kao on! Jer, on je probudio veliku fitnu. On je prvo rekao da je Mehdi. Onda je pokušao tvrditi da je Pejgamber. On je bio oruđe politike kršćanske države za parćanje muslimana." Isto kao što vehhabije tvrde da je samo vehhabizam pravi islam, tako i ahmedijje kažu da je ahmedizam pravi islam. Obje grupe su skrenule sa pravoga puta selefi salihina koje hadisi šerif hvali i veliča. Obje grupe skreću svijet u propast dalaleta i kufra. Ovaj krivi put koji se brzo raširio među džahilima Pundžaba i Bombaja se sada nastanjuje u Evropi i Americi. Iako oni sebe nazivaju muslimanima,

oni su izašli iz islama zbog svojih pokvarenih vjerovanja i obreda. Ima puno stvari koje izazivaju njihov kufr. Sljedeće tri su najvažnije:

1 -- Ahmedije i Kadijani vjeruju da oni nisu htjeli objesiti Isa alejhisselama. Oni vjeruju da je on umro prirodnom smrću i da je zakopan u zemlju. Oni vjeruju da je on kasnije ustao iz groba i otišao u Kašmir, u Indiju, gdje je podučavao Indžil i ponovo umro.

2 -- Oni se ne slažu s islamom ni u pogledu pojave Mehdijsa i njegovog pozivanja svakoga u vjeru. Oni kažu, "Duše Isaa i Muhammeda, alejhinesselam, će se pojaviti u liku čovjeka. Taj čovjek je Mirza Ahmed. Nema nikakvog drugog Mehdijsa."

3 -- Oni mijenjaju značenje Kur'ani kerima. Oni kažu u islamu postoji džihad. Ali, on se ne vodi topovima i sabljama već nasihatom (savjetom) i iršadom (podučavanjem, obrazovanjem). U islamu nema krvoprolića i patnje već ima hladni rat. Oni ovako poriču ajeti kerime o džihadu. Beširuddin, sin Gulama Ahmeda, je napisao knjigu pod naslovom **The Order of the New World** (Novi svjetski poredak) koja odiše kufrom. Indijski alimi, šejh Muhammed i šah Kašmiri, su opovrgnuli kadijanizam u knjigama **Akidet-ul-islam fi hajat-i Isa alejhisselam, Ikfar-ul-mulhidin i Hatem-un-nebijjin**. Početne stranice ovih knjiga u sebi sadrže pohvale i zahvale raznim alimima islama. Na primjer, profesor **Medrese islamije** sejjid Muhammed Jusuf Benuri je, jednim predivnim stilom i izražavanjem, napisao detaljan životopis Muhammeda Envera Šaha i njegove vrline i čestitosti. On nam je saopštio da je Mustafa Sabri ef., visoko učeni alim našeg vremena i zadnji šejhulislam Osmanlijske države, napisao na tri stotine dvadeset sedmoj stranici trećeg toma svoje knjige **Mevkiful'ilm vel'akl veddin** da je on vidio Muhammeda Envera šaha i da se divio ovom velikom indijskom alimu. Muhammed Enver šah, rahmetullahi teala alejh, je 1352/1933. godine preselio na ahiret. U ove tri knjige piše sljedeće o Mirzi Gulumu Ahmedu Kadijaniju:

On ne vjeruje da će se Isa, alejhisselam, spustiti s nebesa. On kaže, "On je obješen, ubijen. On je imao oca. Njegov otac je Jusuf Nedždžar (Josif drvodjelja)." On, kao i židovi, izgovara vrlo ružne klevete o ovom uzvišenom Pejgamberu. On tvrdi za sebe da je Pejgamber i da je donijeo novu vjeru. On kaže, "Riječ 'Isa će se spustiti s nebesa' predskazuje moj dolazak." On je izmijenio [značenja] ajeti kerima i hadisi šerifa i porekao činjenice koje se moraju vjerovati u potpunosti. On ne vjeruje da je Muhammed, alejhisselam, zadnji Pejgamber i da je viši od svih drugih Pejgambera. On tvrdi da on ima na hiljade mu'džiza i da su njegove mu'džize mnogobrojnije od mu'džiza svih drugih Pejgambera. On tvrdi da mnogi ajeti predskazuju njegov dolazak i da ga Kur'an veliča.

Ahmed Kadijani je mongol, tatar. On je zindik, pripadnik isma'ili firke. On je pročitao mnogo knjiga. On je bio ogorčeni neprijatelj ehli sunneta. Englezi su tragali za alatkom preko koje će sprovesti u praksu svoje planove koje su pripremili za rušenje islama iznutra. Oni su izabrali njega. Oni su ga podmitili ogromnom količinom novca. On se prvo pojavio kao Behai. Zatim, on je rekao da je on mudžeddid. Onda je izjavio da je Mehdi. On je onda rekao da je on Isa Mesih za kog je rečeno da će se spustiti s nebesa. On je na kraju rekao da je on poslanik i da je donijeo novu vjeru. On je rekao da je mesdžid u Kadijanu - mesdžid-i aksa, a da je grad Kadijan - Mekka. On je rekao da je grad Lahor u kom se kasnije nastanio - Medina. On je napravio groblje koje je nazvao **Makberet-ul-Dženne**. On je rekao da će onaj, ko se tu ukopa, otići u džennet. On je nazvao svoje žene **ummehat-ul-mu'minin**. On naziva

zindike koje je zaveo "moj ummet." On je rekao da je njegov nikah, koji on naziva Muhammedi bejgum, njegova najveća mu'džiza. On kaže da je on urađen na nebu i da mu je to saopšteno putem vahja. On je 1305/1888. godine objavio svoju vjeru. On je 1326/1908. godine otišao u džehennem. On je one koji mu nisu vjerovali nazivao kafirima.

Ovaj zindik (kafir) piše na 148. stranici njegove knjige **Hakikat-ul-vahj**, "Allah je u ovom ummetu stvorio mesiha koji je superiorniji od Isaa. Da je Isa danas živ on ne bi mogao činiti što ja činim. On nema mu'džize koje ja imam." On piše na 107. stranici da je on Pejgamber koji se spominje u ajeti kerimu, "**Ja vam šaljem Resula kao što sam Firaunu poslao resula.**" On piše na 68. stranici "Allah je poslao mene kao Pejgambera. On je rekao, 'Ti si obećani Mesih (Mesija).' On mi je dao tri stotine hiljada mu'džiza." On piše na pedeset šestoj stranici knjige **Berahim-ul-Ahmedijje** da su njegove mu'džize bolje od Muhammedovih alejhisselam mu'džiza.

Postoji pedeset hadisi šerifa koji kažu da je Muhammed, alejhisselam, posljednji Pejgamber. Trideset od njih su napisani u knjigama koje se zovu **Kutub-i sitte**. Rečeno je da će se Isa alejhisselam sigurno spustiti s nebasa. Oni su kafiri zato što oni ne vjeruju ove činjenice. Oni nisu muslimani.

Ja sam pronašao knjigu koja potvrđuje činjenicu da su Englezi osnovali ovaj pokvareni put, koji se zove **kadijanizam** ili **ahmedijje**, sa ciljem da iznutra razore islam. Ova knjiga je izdata 1387/1967. godine na arapskom jeziku u pakistanskom gradu Multan. Ona se zove **El-mutenebbi-ul-Kadijani**. Izdavačka kuća Hakikat kitabevi iz Istanbula je 1393/1973. godine ofsetom prešampala dragocjena pisanja allame Muhammeda Jusufa Benurija i knjižicu (risalu) **Havanet-ul-islam**. Ova dragocjena Benurijeva pisanja se nalaze na početku knjige **Ikfar-ul-mulhidin**.